

太上慈悲九幽拔罪懺卷之三

木三

太上慈悲九幽拔罪懺卷之三

木三

爾時

元始天尊爲普救真人演說東南方梵炁天  
君碧霞境界無極之國妙寂莊嚴旣竟重爲  
演說南方梵寶昌陽丹靈真老赤帝三炁天  
君梵天境界其有真人名曰真老無極之國  
端化莊嚴若人臨終之日願生彼國當潔已  
清齋請師奉禮南方應號

天尊長跪懺悔免恒沙罪障獲無量善因鍊  
質澄神登真悟道衆等至心今當敬禮

人各恭敬

志心朝禮

南方玄真萬福天尊

志心朝禮

高真大寶天尊

志心朝禮

玄和大度天尊

志心朝禮

紫宸降福天尊

木三

志心朝禮

上惠弘慈天尊

志心朝禮

冥寂幽源天尊

志心朝禮

雲光正德天尊

志心朝禮

還淳示像天尊

志心朝禮

安神寂照天尊

志心朝禮

紫極元君天尊

志心朝禮

玄真妙寶天尊

志心朝禮

四達無礙天尊

志心朝禮

六辯虛凝天尊

志心朝禮

明耀景秀天尊

志心朝禮

圓光炳耀天尊

志心朝禮

金映流真天尊

志心朝禮

玄上紫虛天尊

志心朝禮

太微妙極天尊

志心朝禮

靈光空相天尊

志心朝禮

无上景皇天尊

志心朝禮

虛明洞惠天尊

志心朝禮

寶玄流化天尊

志心朝禮

澄神寶劫天尊

志心朝禮

妙智湛常天尊

本三

志心朝禮

五靈玄德天尊

志心朝禮

六度凝解天尊

志心朝禮

高元上相天尊

志心朝禮

普光弘濟天尊

志心朝禮

凝玄高上天尊

志心朝禮

耀景元和天尊

志心朝禮

弘明寶相天尊

志心朝禮

惠空无滯天尊

志心朝禮

冲和遠暢天尊

志心朝禮

含光萬善天尊

志心朝禮

游虛常樂天尊

志心朝禮

端嚴上德天尊

志心朝禮

明霞通智天尊

志心朝禮

乘真道化天尊

志心朝禮

靈化妙見天尊

志心朝禮

瑩德明皇天尊

志心朝禮

通玄釋滯天尊

志心朝禮

德充无上天尊

志心朝禮

虛皇演聖天尊

志心朝禮

玄冥廣運天尊

木三

志心朝禮

慈忍救度天尊

三

志心朝禮

中極元老天尊

志心朝禮

元靈高聖天尊

志心朝禮

中皇太一天尊

志心朝禮

梵氣彌綸天尊

志心朝禮

黃庭大保天尊

志心朝禮

大慈大悲救苦真人

志心朝禮

大慈大悲大惠真人

志心朝禮

大慈大悲救苦真人

志心朝禮

大慈大悲大惠真人

志心朝禮

大慈大悲救苦真人

志心朝禮

大慈大悲大惠真人

禮三寶已復次懺悔

至心歸命十方常住三寶臣等懺悔心業之

罪伏自初分南北漸辯東西愛好嫌麤喜富



嗔賤信心所作不度短長貪利忘恩隔親憐  
外見華飾則无馱无足聞簡實則如隙如讎  
罪積丘山功无塵露慮標名北部奪筭南宮  
是敢懺悔

道前乞垂原赦

天尊言若有善男子善女人從生至死毀壞  
尊像損破道場或剝脫行人及出家法身或  
破諸禁戒啖葷血之徒五逆生心合舌為本  
誹謗三寶嗔怒慈親或棄賤憎貧背夫逐婦  
或造私潤已背正入邪同炁不親交遊益重

或用三寶物無有愧心貸債彌多抵賴不少  
或殺生偷盜不信公途向暗背明欺存調歿  
或罵詈良善凌突賢人姪慾恠多陰毒不息  
諸如此罪盡係冥關不有懺揚將何消蕩若  
有善男子善女人常行孝心旦暮不怠或為

木三

父母或為九玄或為交親或為血屬或為兄  
弟或為己身捨施資財請師禮懺精羞供養  
嚴潔道場或八節三元五臘十直七元本命  
歲旦庚申是此良辰或持齋戒可除八難能  
去千災一切冤家咸恩洗雪先亡離苦久遠

生天地獄停酸幽關水閉愚癡曉了六疾痊  
平涉歷四時不罹災疊汝等男女各自慎行  
兢兢在心勿生厭倦即逢善果遇此因緣懺  
悔既終齊心敬禮

人各恭敬

志心朝禮

三素洞神天尊

志心朝禮

大哀愍苦天尊

志心朝禮

霞光朗耀天尊

志心朝禮

中玄正一天尊

志心朝禮

黃房洞晏天尊

志心朝禮

玄上虛无天尊

志心朝禮

玄微大寶天尊

志心朝禮

黃庭九老天尊

志心朝禮

威靈拔度天尊

志心朝禮

大明皓氣天尊

木三

志心朝禮

玄真上景天尊

五

志心朝禮

太皇勝妙天尊

志心朝禮

靈元寶命天尊

志心朝禮

流光通道天尊

志心朝禮

飛華慶善天尊

志心朝禮

定相延和天尊

志心朝禮

迴元至極天尊

志心朝禮

應飛光像天尊

志心朝禮

无心妙體天尊

志心朝禮

六度真容天尊

志心朝禮

興龍道相天尊

志心朝禮

高真觀妙天尊

志心朝禮

流變延真天尊

志心朝禮

妙樂難勝天尊

志心朝禮

元皇一炁天尊

志心朝禮

玄虛太素天尊

志心朝禮

真老福慶天尊

志心朝禮

青真妙覺天尊

志心朝禮

元精始老天尊

志心朝禮

玄和淨德天尊

志心朝禮

太空惠量天尊

志心朝禮

明真四極天尊

志心朝禮

自然靈應天尊

志心朝禮

積慶天和天尊

志心朝禮

廣運慈善天尊

志心朝禮

萬靈導護天尊

志心朝禮

弘慈廣濟天尊

志心朝禮

明皇救善天尊

志心朝禮

開度福道天尊

志心朝禮

垂光慈蔭天尊

木三

六

志心朝禮

妙智善權天尊

志心朝禮

六合通明天尊

志心朝禮

開度憂危天尊

志心朝禮

昇真大帝天尊

志心朝禮

神章八會天尊

志心朝禮

太丹三素天尊

志心朝禮

元和寶相天尊

志心朝禮

太真高上天尊

志心朝禮

流光萬變天尊

志心朝禮

通玄真定天尊

志心朝禮

大慈大悲救苦真人

志心朝禮

大慈大悲大惠真人

志心朝禮

大慈大悲救苦真人

志心朝禮

大慈大悲大惠真人

志心朝禮

大慈大悲救苦真人



志心朝禮

大慈大悲大惠真人

禮三寶已復次懺悔

至心歸命十方常住三寶臣等懺悔心業之  
罪但以智見淺短氣格頑愚恣縱而行言執  
已是貪婪無足鄙恠何窮見善而讎聞惡可

木三

七

及積財千萬猶說困懸為罪深多恒稱公當  
從初至末豈覺豈知積日積時逾年逾月不  
申懺洗何以祛除今對  
道前咸希滌蕩

天尊言善男子善女人一切業緣皆有報應

汝等諦受次第具陳鐵床壞體銅柱焦筋以  
報邪姪之罪寒冰雪山痛心傷骨以報劫盜  
之罪拔舌吞火灌口鎔銅以報兩舌之罪熱  
灰埋體猛火燒身以報殺生之罪鐵犁耕背  
惡鳥啗睛劔樹分張碓磨如麵以報邪眉怒  
眼之罪身為餓鬼循歷鑊湯燒鐵為丸飢則  
當食以報破齋違戒之罪眉髮墮落遍體生  
瘡舉身烘爛以報破壞聖像道場之罪口中  
出火眼目生瘡遍體流膿藏身無地以報走  
脫出家人之罪舌不得語閉塞喉中盲目亡

睛口唇橫裂以報謗說出家人之罪癡聾小  
短生死不分或作夫妻中道離別以報踈隔  
父母之罪或爲牛馬豬羊鳥獸鷹犬以報違  
負貸債之罪或爲僕使寒賤切身少寡幼孤  
羈羸劣病以報輕薄弟兄同氣之罪如斯報  
應皆在目前善女信男咸自思想虔心諦受  
永斷前愆懺悔既終奉行而退

太上慈悲九幽拔罪懺卷之三



